

**Broj: 06-03-729-09/50/18**  
**Mostar, 21.12.2018. godine**

Na osnovu člana 11., člana 17., člana 19. i člana 21. Zakona o naftnim derivatima u Federaciji Bosne i Hercegovine („Službene novine Federacije BiH“ broj 52/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 10. stav (2) i člana 17. Pravilnika o izdavanju dozvola za rad (licenci) za obavljanje energetske djelatnosti iz sektora naftne privredne („Službene novine Federacije BiH“ broj 15/16), člana 10., člana 11. i člana 12. Pravilnika o metodologiji i načinu obračuna regulatornih naknada za imaoce dozvola („Službene novine Federacije BiH“ broj 5/17, 59/17 i 49/18), postupajući po Zahtjevu za izdavanje dozvole za rad (licence) za transport naftnih derivata drumskim saobraćajem broj 06-03-729/50/18 od 30.07.2018. godine, podnosioca zahtjeva TRANSPORT PAŽIN d.o.o. Stolac, Vidovo Polje bb., Stolac, Regulatorna komisija za energiju u Federaciji Bosne i Hercegovine – FERK je 21.12.2018. godine na XXII redovnoj sjednici donijela sljedeće

## **RJEŠENJE**

1. Izdaje se Dozvola za rad (licenca) za transport naftnih derivata drumskim saobraćajem podnosiocu zahtjeva TRANSPORT PAŽIN d.o.o. Stolac.
2. Dozvola za rad (licenca) izdaje se na period od 21.12.2018. godine do 20.12.2023. godine, sa uslovima dozvole koji čine njen sastavni dio.
3. Sastavni dio ovog rješenja čini dozvola za rad (licenca) iz tački 1. i 2. ovog rješenja.
4. Imalac dozvole je obavezan platiti regulatornu naknadu za 2018. godinu u iznosu od 30,14 KM.
5. Imalac dozvole je obavezan platiti regulatornu naknadu za 2019., 2020., 2021. i 2022. godinu u iznosu od 1.000,00 KM godišnje.
6. Imalac dozvole je obavezan platiti regulatornu naknadu za 2023. godinu u iznosu od 969,86 KM.
7. Imalac dozvole je obavezan regulatornu naknadu iz tačke 4. ovog rješenja platiti u roku od 30 dana od dana prijema rješenja, a regulatorne naknade iz tačaka 5. i 6. ovog rješenja do 31.01. tekuće godine.
8. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

## **Obrazloženje**

Dana 30.07.2018. godine FERK je od podnosioca TRANSPORT PAŽIN d.o.o. Stolac pod brojem 06-03-729/50/18 primio Zahtjev za izdavanje dozvole za rad (licence) za transport naftnih derivata drumskim saobraćajem.

Postupajući po odredbi člana 9. Pravilnika o javnim raspravama i rješavanju zahtjeva, sporova i žalbi, primljeni zahtjev je pregledan u skladu sa članom 12., članom 19.

Regulatorna komisija za energiju u Federaciji Bosne i Hercegovine – FERK

Kneza Domagoja 12A, 88000 Mostar

Tel. /036/ 44 99 00, /036/ 44 99 01; Fax: /036/ 333-507, /036/ 333-508

[kontakt@ferk.ba](mailto:kontakt@ferk.ba) [www.ferk.ba](http://www.ferk.ba)

1

i članom 22. Pravilnika o izdavanju dozvola za rad (licenci) za obavljanje energetskih djelatnosti iz sektora naftne privredne. Nakon pregleda primljenog zahtjeva, a postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi i članom 12. Pravilnika o izdavanju dozvola za rad (licenci) za obavljanje energetskih djelatnosti iz sektora naftne privredne, FERK je podnosiocu zahtjeva 29.08.2018. godine uputio Obavještenje o nedostacima podnesenog Zahtjeva za izdavanje dozvole za rad (licence) za transport naftnih derivata drumskim saobraćajem pod brojem 06-03-729-01/50/18 i odredio mu rok od osam dana radi otklanjanja uočenih nedostataka navedenih u obavještenju. Postupajući po navedenom obavještenju, podnosilac zahtjeva je dostavio dopis primljen u FERK 11.09.2018. godine pod brojem 06-03-729-02/50/18, uz koje je dostavio dio tražene dokumentacije i obrazloženja. U cilju cjelovitog upotpunjavanja dostavljene dokumentacije, FERK je podnosiocu zahtjeva 08.10.2018. godine dostavio Zahtjev za informacijama broj 06-03-729-03/50/18, povodom kojeg je podnosilac zahtjeva dostavio 18.10.2018. godine FERK-u dopis primljen pod brojem 06-03-729-04/50/18, uz koje je dostavio dio tražene dokumentacije i obrazloženja. Dalje, FERK je, podnosiocu zahtjeva 08.11.2018. godine dostavio Zahtjev za informacijama broj 06-03-729-05/50/18, kojim je zatražio i dodatne informacije, povodom kojeg je podnosilac zahtjeva dostavio dopis primljen u FERK dana 19.11.2018. godine pod brojem 06-03-729-06/50/18, te dopis primljen u FERK 29.11.2018. godine pod brojem 06-03-729-07/50/18, uz koje je dostavio traženu dokumentaciju i obrazloženja, a na osnovu čega je FERK utvrdio da je podneseni zahtjev potpun i da su se stekli uslovi za objavu obavještenja za javnost o nacrtu dozvole.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 16. Pravilnika o izdavanju dozvola za rad (licenci) za obavljanje energetskih djelatnosti iz sektora naftne privredne, pripremio Nacrt dozvole za rad (licence) za transport naftnih derivata drumskim saobraćajem po zahtjevu broj 06-03-729/50/18 od 30.07.2018. godine podnosioca TRANSPORT PAŽIN d.o.o. Stolac. Na osnovu člana 1. stav (3) i člana 16. Pravilnika o izdavanju dozvola za rad (licenci) za obavljanje energetskih djelatnosti iz sektora naftne privredne, FERK je Odlukom broj 06-03-729-08/50/18 od 10.12.2018. godine usvojio Nacrt dozvole za rad (licence) za transport naftnih derivata drumskim saobraćajem, te Obavještenje za javnost o opštoj raspravi o Nacrtu dozvole za rad (licence) za transport naftnih derivata drumskim saobraćajem, kojom je ovaj nacrt upućen u proces javne rasprave. Ovom odlukom je imenovan voditelj postupka i zamjenik voditelja postupka, te je utvrđeno i da su zainteresovana lica imala mogućnost dostaviti svoje pisane komentare na Nacrt dozvole za rad (licence) za transport naftnih derivata drumskim saobraćajem na adresu FERK-a ili na elektronsku adresu, u periodu od 10.12.2018. godine do 18.12.2018. godine do 10:00 sati, kao i da su lica koja imaju direktan interes učestvovati u postupku izdavanja dozvole, pod uslovom da im je interes različit od opšteg javnog interesa, imala mogućnost podnijeti zahtjev za sticanje statusa umješaća na adresu FERK-a ili na elektronsku adresu, u periodu od 10.12.2018. godine do 18.12.2018. godine do 10:00 sati.

Do ostavljenog roka za dostavu pisanih komentara i za podnošenje zahtjeva za sticanje statusa umješaća, odnosno do 18.12.2018. godine do 10:00 sati, u FERK nisu primljeni pisani komentari na Nacrt dozvole za rad (licence) za transport naftnih derivata drumskim saobraćajem, niti je primljen zahtjev za sticanje statusa umješaća.

Dalje, članom 10. Pravilnika o metodologiji i načinu obračuna regulatornih naknada za imaoce dozvola propisana je dinamika obračuna regulatorne naknade za imaoce dozvola iz sektora naftne privredne, dok je članom 11. istog pravilnika regulatorna naknada za imaoce dozvola za rad (licenci) za transport naftnih derivata drumskim saobraćajem propisana u fiksnom iznosu od 1.000,00 KM godišnje, s tim da se taj fiksni iznos u prvom i zadnjoj godini važenja dozvole preračunava u skladu sa periodom važenja dozvole u toj godini. Članom 12. ovog pravilnika propisano je da će FERK o obavezi iz člana 11. Pravilnika svakom imaoцу dozvole iz sektora naftne privredne izdati pojedinačno rješenje.

Na osnovu obrade Zahtjeva za izdavanje dozvole za rad (licence) za transport naftnih derivata drumskim saobraćajem podnosioca TRANSPORT PAŽIN d.o.o. Stolac i dokumentacije priložene uz zahtjev, utvrđeno je da podnosilac zahtjeva ispunjava kriterije za izdavanje dozvole za rad (licence) za transport naftnih derivata drumskim saobraćajem u skladu sa članom 21. Zakona o naftnim derivatima u Federaciji Bosne i Hercegovine, te članom 25. Pravilnika o izdavanju dozvola za rad (licenci) za obavljanje energetske djelatnosti iz sektora naftne privredne.

Na osnovu navedenog, u dozvoli za rad (licenci) koja je predmet ovog rješenja podnosiocu zahtjeva postavljeni su, u skladu sa članom 26. i članom 29. Pravilnika o izdavanju dozvola za rad (licenci) za obavljanje energetske djelatnosti iz sektora naftne privredne određeni uslovi. Spomenuti uslovi uvažavaju potrebu, ali i obavezu TRANSPORT PAŽIN d.o.o. Stolac da u rokovima propisanim u uslovima dozvole za rad (licence) za obavljanje djelatnosti transporta naftnih derivata drumskim saobraćajem iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

#### **POUKA O PRAVNOM LIJEKU:**

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**PREDSJEDNICA FERK-a**  
**Sanela Pokrajčić**